



## Universitätsbibliothek Paderborn

**Illvstrissimi Viri Petri De Marca Archiepiscopi Parisiensis  
Dissertationvm De Concordia Sacerdotii Et Imperii, Sev  
De Libertatibvs Ecclesiæ Gallicanæ, Libri Octo**

**Marca, Pierre de**

**Parisiis, 1669**

III. Synodus Nicæna & Antiochena, Athanasius, & Basilius eos laudant sub nomine antiquorum canonm.

**urn:nbn:de:hbz:466:1-15591**

## De Concordia Sacerdotij

censeri debet qua Liber Constitutionum apostolicarum sub nomine Clementis Romani editus, cùm eos canones ultimo capite integrorum Liber Constitutionum complectatur; quemadmodum Photius observavit in Bibliotheca: εν δι της Συντάξεως της απόστολος περιέχεται. Sanè ut Clementis Romani fœtum non esse, ita etiam eruditus scriptori, qui tertio saltrem seculo floruerit, vindicandum, omnibus hodie persuasum esse video, cùm in illo commentario antiquæ disciplinæ satis expressa vestigia supersint. Cujus auctoritas quanta fuerit apud veteres Christianos, inde colligitur, quod hæretici corruptore stylo aliquot locis eum violarunt; ut conqueritur Epiphanius, qui eo libro contineri πάντα ταύτα τελεῖται. Ceterum corpus illud canonum apostolicorum octoginta quinque capitulis constans, quæ ab Apostolis per Orientem manaverunt traditiones ad disciplinam ecclesiasticam constituendam complectitur. Ejus Collectionis usus maximè viguit in Orientalibus Ecclesiis. Quod dupli probationem genere demonstrari potest. Primum is testimoniis quæ conceptis verbis apostolicorum canonum meminere. Antiquior mihi videtur esse in eo genere Alexander Episcopus Alexandrinus, qui eos Episcopos objurgat à quibus Clerici suscipiebant quos ipse excommunicaverat, idque ait contrarium esse canoni apostolico, μήτε τὸν Ἀπόστολον ταῦτα τούτο συγχειν, quibus verbis apertissimè canon xvi. apostolicus insinuatur.

Extat epistola Constantini Imperatoris ad Eusebium data, qua illius pietatem laudat, quod ab Antiochenis ad Ecclesiam illam, qua metropolis erat Orientis, ciuium & Cleri suffragii electus, Cæsareæ episcopatum deferere noluerit, ab una in alteram Ecclesiam migrando, sed maluerit apostolicum canonem rigide observare. Is autem est canon apostolicus decimus quartus, quo migrationes istæ prohibentur. In synodo Conitantinopolitana habita sub Nectario in causa Agapij, quarente Arabiano Ancyra Episcopo an liceret duobus Episcopis Episcopum accusatum gradu dejicere, ex sententia Nectarij & Theophilii Alexandrini totiusque synodi decernitur Episcopum dejici non posse præterquam à synodo Episcoporum provinciæ, ut apostolicis canones constituerunt. Quibus verbis canon apostolicus septuagesimus quartus significatur. In Concilio Ephesino refertur Antiochenum Episcopum ordinationes provinciæ Cypri ad se trahere conatum contra leges ecclesiasticas & canones sanctorum Apo-

stolorum, id est, 34. & 35. canones apostolicos, qui vetant Episcopos ne extra provinciam quique suam manus imponant. Imperator quoque Theodosius anno CCCXL. Irenæum quandam post binas nuptias preter apostolicos canones Tyriorum civitatis Episcopum factum, ab ea Ecclesia constitutione sua dejectit. Quibus verbis canonem xviii. apostolicum respicit. Iustinianus Canones apostolicos aut ipsis Apostolis aut saltem doctrinæ ab iis traditæ afferere videtur in Novella sexta.

III. Secundum genus probationis petitur è synodo Nicæna, cuius canone xv. ve- tantur migrationses ab una parocchia in aliam, quas tunc factas fuisse preter canonem obseruat synodus. Aliquo ergo canone anteriori veritæ erant translationes; qui porro aliis non est quam xv. canon apostolicus. Sed disertis verbis in v. canone laudatur canon antiquus, quo interdictum est Episcopis ne ab uno excommunicatos alij admittant in communionem: καὶ τὸν κακονόν τὸν ἀργεόντα τοὺς υφεπίποντας, υφεπίποντας, καὶ ταραχόντας, quibus verbis aper- te significatur canon apostolicus xii. & xxvi. Non omittendus est canon x. Nicænus, quo canon apostolicus LXXI. insinuatur, & explicatur. Hoc apostolico canone, qui metu supplicij Christum negat, gradu dejicitur, & pellitur ab Ecclesia. Sed de eo qui post lapsum ordinatus fuerit, nihil caveretur. Ad hanc tamen speciem Nicæna synodus dejectionem extendit, his verbis: *Quicunque de lapsis ad ordinem Cleri promoti sunt per ignorantiam, vel per ordinantium dissimulationem, hoc ecclesiastice non prejudicat regule. cogniti namque deponantur.* quasi diceret: Subsecuta lapsum ordinatus non effugiet penam canonis ecclesiastici, id est, apostolici LXXI. licet canon iste de eo loquatur qui adscriptus erat in clero ante lapsum, cùm par sit in utraque specie ratio. Synodus Antiochena frequenter etiam alludit ad canones istos apostolicos, ita ut penè transcripterit canones xl. & xli. qui explicantur canonibus Antiochenis xxiv. & xxv. Sed disertissimè canone ix. significatur canon apostolicus xxxi. quo inhibetur ne quid gravioris momenti agant Episcopi provinciales sine sententia ejus qui præest metropoli. quod iisdem ferè verbis statuitur in canone ix. synodi Antiochenæ, secundum antiquam à patribus nostris regulam constitutam. Ejusdem Concilij canone xxi. prohibetur ne quis Episcopus sibi successorem eligat; sed elecção fiat secundum regulam ecclesiasticam; qua significatur canon apostolicus lxxvi.

Theod. i. i. c. 4.

Euf. lib. 3. de vi-  
ta Conf. c. 9.  
Antiocheni capo-  
rum.

Syn. CP. sub Ne-  
cetario: κακονόν τὸν  
ἀργεόντα τοὺς υφεπίπο-  
ντας, καὶ ταραχό-  
ντας.

Conc. Ephel. A.D.  
ταραχόντας τοὺς υφεπίπο-  
ντας, καὶ ταραχό-  
ντας.

Athanasius quoque & Basilius non obscurè his canonibus utuntur. Ille quidem, cùm de Georgij Cappadocis Arriani audacia conqueritur, qui jussu Comitis per vim sedem Alexandrinam occupavit, violatos ab eo canones ecclesiasticos palam profiteatur, id est, canonem apostolicum **xxxii.** quo præcipitur, ut si quis seculi potestatis usus, Ecclesiam per ipsos obtineat, deponatur. Basilius Diaconum à gradu dejetum ob crimen, non arcet communione; *quoniam antiquus est canon,* ut qui à gradu exciderunt, hac sola pena castigentur. Vetus ille canon quem laudat, est **xxv.** canon apostolicus.

IV. Ex iis autem quæ diximus, non solum colligitur vetustas & auctoritas canonum apostolicorum, sed etiam eorum numerus. Etenim octoginta quinque canones recensent Græci in Collectionibus suis, juxta definitionem synodi in Trullo. Quo in capite recte illis convenit cum libro Constitutionum apostolicarum, ubi canones illi eadem serie eodemque numero referuntur. Laudatum etiam vidimus canonem **Lxxv.** à Synodo Constantinopolitana sub Nectario, & **Lxi.** à Synodo Nicana, & **Lxxvi.** à Concilio Antiocheno. Quintam Theodoretus in collectione sua eundem numerum octoginta quinque canorum apostolicorum servavit.

V. Difficile est in tam alto veterum scriptorum silentio tempus hujus Collectionis indagare, quam tamen certum est Concilij Nicæni tempora antecessisse. Tentari fortasse posset, nondum cognitam fuisse Orientalibus, quando controversia incidit de baptismo hæreticorum, quæ Cyprianum in Africa & Firmilianum in Cappadocia cum Stephano Summo Pontifice commisit. Aiebant illi tinctorum ab hæreticis Spiritum sanctum (qui ad solam Ecclesiam pertinet) suscipere non potuisse. Stephanus assertebat traditionem veterum non esse innovandam, neque repetendum baptismum ab hæreticis collatum, sed manus in pœnitentiam baptizatis imponendas. Stephanus nitebatur antiqua consuetudine; cui Cyprianus scripturas opponebat. Sed Firmianus Stephano objiciebat contrariam consuetudinem, quæ vigebat in Oriente: *Quod quidem adversus Stephanum nos Afri dicere potestis,* inquit ille ad Cyprianum, cognita veritate errorem consuetudinis reliquisse. Ceterum nos veritati & consuetudinem jungimus, & consuetudini Romanorum, consuetudinem, sed veritatis, opponimus; ab initio hoc tenentes quod à Christo & Apostolo est traditum. Petri & Pauli locos, quos in super-

riori parte epistolæ laudaverat, intelligit. Nihil opportunius accidere poterat hac disputatione ad citandos in testimonium canones apostolicos, si ea tempestate compacta fuisset Collectio qua hodie utimur. Etenim ad confirmandam consuetudinem illam constantem, quam Firmianus Stephano obtendebat, proferre poterat canonem apostolicum **XLVI.** conceptum in hæc verba, è versione Dionysij Exigu: *Episcopum aut Presbyterum, hereticorum fuscipientem baptisma, damnari precipimus.*

Canon apof. 46.  
& 47.

*Quæ enim conventio Christi ad Belial, aut quæ pars fideli cum infidelis?* Et canonem **XLVII.**

*Episcopum aut Presbyterum, si cum, qui secundum veritatem habuerit baptisma, denuo baptizaverit, aut pollutum ab impiis non baptizaverit, deponatur, tanquam deridens crucem & mortem Domini, nec sacerdotes à falsis sacerdotibus discernens.* Itaque è silentio Firmiani colligere licet, incognitos ea ætate Orientalibus fuisse canones apostolicos. Quid si hæc contentio collectionis hujus occasionem praebuerit? & ut Romanæ Ecclesiae traditio & auctoritas à Stephano prolata, objecto veluti clypeo repelleretur, huic collectioni, (quæ antiquæ disciplinæ in Oriente vigen-  
tis capita omnia, in modo verò & sacramen-  
tum ritum complectitur) constitutionum apostolicarum & canonum à Clemente Ro-  
mano editorum nomen inscriptum fuerit?

Conquerebatur enim Firmianus injuriam fieri Apostolis Petro & Paulo, quod eos auctores tam aliena traditionis Stephanus faceret: *Aduic etiam, inquit, infamans Pe-  
trum & Paulum beatos Apostolos, quasi hoc ipse  
tradiderint, qui in epistolis suis hereticos ex-  
ercitati sunt,* & ut eos evitemus monuerunt. Quare ne dignitate apostolicæ sedis, episcopatus sui loco, & Cathedrae Perri, quam per successionem tenere Stephanus profitebatur, Christianorum animos à Firmiani sententia averteret, necessarium visum est testimonium aliquod, quo Petri auctoritas Petri successoris opponeretur. Et ne ullus supereffici dubitandi locus in controversia quæ traditionum antiquarum occasione accidere possent, placuit eas libro constitutionum apostolicarum & Breviario canonum apostolicorum complecti; prout in Oriente traditionum usus invaluerat. Commodum accidit ut frequentes Orientalium Ecclesiarum Episcopi Iconium convenienter anno **CCLVIII.** ad controversiam illam de baptismo hæreticorum dirimendam; ubi eadem sententia constituta est quam apostolici canones **XLVI.** & **XLVII.** exhibent. Hæc sunt Firmianii verba, rem gestam narratis: *Hæretico enim sicut ordinare*